



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

III. Firmi Cæsareæ Episcopi verba expenduntur, quæ auctoritatem Romani Pontificis respiciunt. Acclamations Episcoporum factæ Celestini & Cyrillo referuntur.

urn:nbn:de:hbz:466:1-15617

delegatione Principis Synodi Chalcedonensis auctoritatem affectus fuisset, quemadmodum supra monui. Etenim eodem eximio jure in synodo Ephesina Celestinum usum fuisse ipsius Oecumenicæ synodi testimonio probare possumus. Nestorij hæresim Romæ in synodo damnaverat Celestino; ipsumque Nestorium, nisi perfidam novitatem aperta & scripta confessione intra decem dies deponeret, ab universalis Ecclesiæ communione dejecterat: cuius sententia executionem delegavit Cyrillo Alexandrino. Hic ex sententia Celestini, atque sua, totiusque synodi Ægyptiacæ, synodicanam epistolam ad Nestorium dedit; qua eum hortatus est ut à stolidis dogmatibus, quæ publicè docebat, desisteret, quod nisi intra tempus in literis Celestini præfinitum præstaret, certo sciret se à communione totius Ecclesiæ excidisse. Cogitur Ephesina synodus; ubi recitatis Celestini & Cyrilli epistolis ad Nestorium, atque prolatis è patrum antiquorum operibus excerptis aliquot sententiis, Nestorij impietas convicta, & Celestini atque Cyrilli sincera fides omnium consensu approbata est. Quare sententia depositionis in Nestorium ter evocatum & contumacem fertur à synodo; ita tamen ut ejus condemnandi auctoritas in Celestinum quoque referatur. Etenim aperte profitentur patres synodi se & à sacris canonibus & à Celestini epistola coactos ad eam sententiam ferendam. Quasi dicerent Celestinum epistola sua synodo auctorem fuisse damnum Nestorij.

II. Magni autem momenti sunt illa verba, quibus se coactos dicunt, id est, ex officio adstricctos, ut canonibus qui contumaciam plectebant, & rebus à Celestino adversis impietatem decretis, morem gererent. Ea est enim auctoritas epistolæ Pontificis, ut parendi necessitas incumbat, postquam, discussione facta, sacris Scripturis & traditioni majorum congruere invenitur, quo examine defuncta erat synodus Ephesina antequam judicium ferret adversus Nestorium. Hæc sunt Concilij verba: *Coacti per sacros canones & epistolam sanctissimi patris nostri & commissarii Celestini Romane Ecclesiæ Episcopi, lacrymis subinde perfusi, ad lugubrem hanc contra eum sententiam necessariò venimus.*

III. Ne quis autem existimet alienam à verbis synodi sententiam nunc primum à me confitam fuisse, perpendenda sunt quæ dixit Firmus Cæsaræ Episcopus post adventum Legatorum Arcadij, Projecti, & Philippri, qui post damnatum Nestorium, Ephesum accesserunt. Ait Firmus, primam sententiam tulisse Celestinum, cámque huic negotio formam per priores literas suas ad Cy-

rilum præscripsisse quam synodus executio- ni dederit. Quare cum secundis quoque li- teris ad synodum Ephesinam datis, atque per Legatos delatis, eandem sententiam de fide confirmasset, post confirmationem lite- ratum *Omnes reverendissimi Episcopi simul ac- clamaverunt: Hoc justum judicium, Novo Paulo Celestino, novo Paulo Cyrillo. Celestino custodi fidei. Celestino cum synodo concordi. Celestino universa synodus gratias agit. Unus Celestinus. Unus Cyrilus. Una fides synodi. Una fides orbis terrarum.* His acclamationibus, ut fieri solebat à Senatu erga Principe, synodus Ephesina Celestinum ejusque Legatum Cyrrillum suo quoque nomine valde commendabilem prosecuta est. Legati autem relectis gestis contra Nestorium subscripterunt. Quæ sub- scriptio à Cyrillo *canonica assenso* dicitur, *xerorini orationis; & à Legatis belatioris ratiōnē, confirmatio rerum iudicatarum.*

I V. Unus tantum restat articulus, in quo utriusque relationis imperatoria & pontifi- ciae comparatio ineunda est, ut sciatur an illis per omnia conveniat. Inter ceteros re- lationis effectus observavimus Senatuscon- sulta sine Consulis vel Principis relatione fieri non potuisse. Quæri ergo potest non ab- surdè an licuerit Oecumenica synodo de aliquo fidei vel disciplina capite sine relatione Pontificis decernere. De synodo Oecume- nica loquor, in qua Pontifex per se vel per Legatos præsideret, non autem de Conciliis provincialibus, aut Diocesanis, quibus nulla intereat sedis apostolica legatio. Ac sane antiquam esse Legatorum persuasionem video, ut existimaverint Pontificem rerum omnium gerendarum in Conciliis illis auctorem esse debere; ita ut etsi forte non retulerit, saltem primam sententiam promat. Hanc disertis verbis expresserunt patres synodi Chalcedonensis in epistola synodica ad Leonem: ad quem scribunt, Paschasium Legatum ejus- que socios vehementer obstitisse novæ juris- dictioni quæ à synodo tribuebatur sedi Con- stantinopolitanæ, ex eo capite præcipue, quod Leonem vellent ejus rei auctorem fieri, quemadmodum auctor fuerat rectæ fidei fiscienda. Volebant scilicet ea de re priùs à Leone decerni, cujus auctoritati ceteri deinde Episcopi consentirent & subscriberent.

Qui enim, inquit, locum vestre sanctitatis obtinet sanctissimi Episcopi Paschasinus & Lu- centius, & qui cum eis est reverendissimus Presby- ter Bonifacius, his ita constitutis vehementer re- sistere tentaverunt, proculdabio à vestra provi- denzia inchoari & hoc bonum volentes, ut sicut fidei, sic bone ordinationis vobis deputetur effe- tus. Hanc Legatorum opinionem non omni- nino refutare videtur Concilium, ita tamen

Concl. Ephesi
A.D. 31

Epistola synodica
Cor. Iij Chale-
don. ad Leonem.